

Seludup anak penyu kecil dalam bagasi

HM 30/06/23 MIS 27

New Delhi: Pihak berkuasa lapangan terbang India, baru-baru ini mematahkan cubaan menyeludup 6,850 hidupan liar masuk ke negara ini di dalam bagasi penumpang dalam penerbangan AirAsia.

Hindu Bureau melaporkan, spesies penyu berte linga merah ditemukan tersembunyi di dalam bagasi daftar masuk dua lelaki yang tiba di Lapangan Terbang Antarabangsa Tiruchi dari Kuala Lumpur, minggu lalu.

"Bertindak atas risikan, Unit Perisikan Udara Kas tam (AIU) menahan dua penumpang itu di pintu keluar lapangan terbang.

"Pegawai menemui penyu hidup bersaiz kecil disembunyikan di dalam kotak kecil di dalam bagasi setiap penumpang.

"Selain itu, (kita menemui) mata wang asing bersamaan 57,441 rupee (kira-kira RM3,275) pada salah seorang penumpang."

rang penumpang," kata laporan itu.

Pegawai Jabatan Hutan Tamil Nadu mengesahkan spesies dirampas adalah penyu telinga merah invasif yang berasal dari tenggara Amerika Syarikat (AS).

Menurut laporan itu, penyu itu diimport secara haram ke India tanpa dokumen atau lesen import sah, yang menjadi pelanggaran serius terhadap undang-undang perlindungan hidupan liar.

Pada 30 April lalu, Bernama melaporkan kes serupa apabila pihak berkuasa lapangan terbang India menemui 22 ular dalam bagasi seorang wanita.

Wanita berkenaan tiba di lapangan terbang Chennai dari Kuala Lumpur dengan penerbangan AirAsia.

Berdasarkan laporan itu, reptilia berkenaan antara spesies yang mendapat permintaan tinggi dalam perdagangan hidupan liar haram di India. - Agensi

Penyu telinga
merah invasif berasal
dari tenggara Amerika
Syarikat (AS)